



Број: 01/3-50 -1-25-27/05
Сарајево, 17. маја 2006.

ZAPISNIK

sa 27. sjednice Komisije za vanjsku trgovinu i carine, održane 17. maja 2006.

Sjednica je počela u 14,15 sati. Prisustvovali su: Petar Kunić, predsjedavajući Komisije, Izet Hadžić, Marija Perkanović, Ivo Lozančić i Mladen Potočnik, članovi Komisije. Odsustvovali su članovi Komisije Fatima Leho, Dušanka Majkić, Azra Hadžiahmetović i Ibrahim Đedović.

Pored predsjedavajućeg i članova Komisije, sjednici su prisustvovali: Dragan Doko, ministar vanjske trgovine i ekonomskih odnosa BiH, pomoćnici ministra Sabrija Šerifović i Hajrudin Podbićanin, kao i predstvnici entitetskih resornih ministarstava – Aida Bogdan, pomoćnik ministra za ekonomske odnose i koordinaciju Republike Srpske i Ivica Cvjetković, pomoćnik ministra trgovine Federacije BiH.

Za sjednicu je usvojen u pozivu predloženi

DNEVNI RED

1. Usvajanje Zapisnika 26. sjednice Komisije;
2. Razmatranje «Analize vanjskotrgovinske razmjene Bosne i Hercegovine», s prijedlogom mjera za smanjenje trgovinskog deficita BiH, dostavljena 7.3.2006.godine po Zaključku 63. sjednice Predstavničkog doma – realizacija zaključka 26. sjednice Komisije;
3. Razmatranje Prijedloga zakona o izmjenama i dopunama Zakona o carinskoj tarifi BiH (predlagač poslanik Nikola Špirić);
4. Tekuća pitanja.

Ad – 1.

Zapisnik sa 26.sjednice Komisije usvojen je jednoglasno, bez primjedbi.

Ad – 2.

Predsjedavajući Komisije Petar Kunić u uvodnim napomenama podsjetio je da je Komisija na prethodnoj sjednici razmatrala Analizu i da je tom prilikom konstatovala da ima niz problema u oblasti robne razmjene sa svijetom, pa je zbog toga zaključeno da se Analiza ponovo razmatra uz prisustvo ministra vanjske trgovine i ekonomskih odnosa BiH i entitetskih resornih ministara, kako bi se razjasnila određena pitanja. Naglasio je da Analiza zavrjeđuje pažnju svih nas. Uvoz pokriva svega 30% izvoza, što zahtijeva pažnju svih faktora kako bi se uspostavio balans u ovoj oblasti, rekao je, pored ostalog, predsjedavajući Komisije Petar Kunić. Zatim je riječ dao ministru vanjske trgovine i ekonomskih odnosa BiH.

Ministar **Dragan Doko** rekao je da smatra da je veoma dobro što se Analizi posvetila dužna pažnja. Podsjetio je da je Ministarstvo formiralo radnu grupu koja je podržana od Vijeća ministara i Parlamentarne skupštine. Dalje je rekao da je u Analizi navedeno sve. Platni bilans je takav kakav je. U aktivnostima na izradi Analize bili su uključeni predstavnici iz relevantnih institucija. Stvorene su nove institucije koje su nadležne za stvaranje boljeg ambijenta. Izvozno-uvozna pokrivenost 28% bila je 2003; 2004. bila je 32%, a 2005. 37%, iz čega se vidi da se godišnje povećava za 4-5%, što je jako bitno. Reformski procesi dali su određene efekte na odnos uvoza i izvoza, kao i na ukupan bilans. U periodu od prvog do četvrtog mjeseca imamo pokrivenost 52%. Očekivali smo da ćemo u 2005. godini imati veću pokrivenost, ali su neke stvari uticale na povećanje deficita, naročito povećanje cijene nafte. Zbog uvođenja PDV-a u 12. mjesecu 2005. povećan je uvoz za preko milijardu i pol maraka, jer su uvoznici stvarali rezerve. U prvom mjesecu 2006. to se odrazilo u pozitivnom smislu, da bi se u četvrtom mjesecu dostigao procenat pokrivenosti od 50%. To je jedan trend koji ohrabruje, rekao je, pored ostaloga, ministar Doko.

Dalje je ministar Doko rekao da je u Analizi predloženo niz mjera da bi se smanjio vanjsko-trgovinski deficit. Jedno od ključnih pitanja je vođenje monetarne politike, u čemu glavnu riječ ima Valutni odbor. Tečaj evro-marka je najbitniji. Uvođenje PDV-a i jedinstveno tržište imaju pozitivan uticaj. Entitetska ministarstva su morla regulisati pitanja ubiranja poreza – to se dosad često ubiralo na granici. U svemu ovome bitna je i konkurentna sposobnost domaćih kompanija, rekao je ministar Doko.

Govoreći u uvozu ministar Doko je rekao da se uvoz ne može reducirati jer to ne bi bilo dopušteno i to nam nije ni opredjeljenje. Uvoz nije samo potrošnja već i proizvodnja. Kreiranje ambijenta uslovljeno je i donošenjem svih zakona, a onda i potpisivanjem Sporazuma o stabilizaciji i pridruživanju. Samo većim izvozom možemo doći do rezultata, pri čemu ne bi bilo dobro da se smanjuje uvoz. U ovome treba da se angažuju sve institucije. Restruktuiranje je na nivou entiteta. Treba u službu staviti sve kapacitete. Nakon rješavanja trgovinskog deficita čeka nas struktura uvoza i izvoza. Treba svakako nastojati da se ne uvozi finalni proizvod, rekao je, pored ostaloga, ministar Dragan Doko govoreći o Analizi o vanjskotrgovinskoj razmjeni Bosne i Hercegovine.

Ispred Federalnog ministarstva trgovine govorio je **Ivica Cvjetković**. Rekao je da entitetska ministarstva nemaju uticaj kakav ima državno ministarstvo. Entitetsko ministarstvo bilo je uključeno u izradu Analize i ona pokazuje stanje. Reko je da su pojedini sektori zapostavljeni, naročito poljoprivreda, gdje su poticaji vrlo skromni – svega 3%. Znamo da BiH ima ogromne resurse, ali se nisu našla sredstva kojim bi se omogućio izvoz. Prije rata smo imali strana ulaganja i imali smo reference. Danas je došlo do devastiranja objekata, ni privatizacija nije dala željene efekte. U Analizi poljoprivreda zauzima mali procenat, a u ovom sektoru treba tražiti izlaz. Ni vanjskotrgovinska komora se ne može baviti statistikom – njena zadaća je promocija roba. Moramo sve učiniti kako bi sve institucije zaživjele punim kapacitetom i dale svoj doprinos izvozu roba, rekao je, pored ostaloga, Ivica Cvjetković.

Ispred Ministarstva za ekonomske odnose i koordinaciju RS govorila je **Aida Bogdan**. Kazala je da je ona član Radne grupe za izradu Analize, te da je Analiza razmatrana na sjednici Vlade RS i prihvaćena je uz zaključak da će se napraviti aneks materijala. Dodala je da je Republika Srpska u prvom kvartalu imala pokrivenost od 80%, ali tu sudjeluje 10 firmi, što je slučaj i u BiH. Kada je upitanju izvoz onda tu ima disbalansa. Prošle godine Vlada RS izdvojila je značajna sredstva za certifikaciju. Bilo bi dobro da se kompanijama pomogne da pređu taj jaz, da bi imale mogućnost poslovanja. Jasno je da u EU možemo ući kad ispunimo uslove. Bilo bi dobro dati podršku kompanijama, kazala je, pored ostaloga, Aida Bogdan.

Petar Kunić postavio je pitanje Aidi Bogdan da li je Entitet dao saglasnost za prenos nadležnosti, pošto se na str. 70. Analize predlaže donošenje određenih zakona.

A. Bogdan odgovorila je da ne zna – da je bila zadužena osoba iz Ministarstva i da je RS izradila dokument, a da Radna grupa radi.

P. Kunić je zapitao kako Radna grupa može da radi ako nema saglasnosti. Ja ne mogu da glasam ako nije donesena odluka, rekao je Kunić.

Ministar Doko rekao je da predstavnici RS učestvuju u tom poslu.

Petar Kunić rekao je da ga ne interesuje to, već pravna situacija – da li ima saglasnost. Ovdje se govori o zakonu a ne o okvirnom zakonu, naglasio je Kunić.

Ministar Doko rekao je da nje vidio da se igdje govori o okvirnom zakonu. U svim razgovorima rečeno je da se donese zakon na nivou držve. Ali, navodno, mora biti saglasnost entteta. Govori se o formiranju ministarstva – da li će biti poljoprivrede ili rurara, to ćemo vidjeti. Mi smo prije dvije godine trebali donijeti dva zakona – ali nema političke vodlje. Mi smo tu napravilil preporuke. U Vladi Bukejlovića nismo dobili saglasnost, ali formirana je radna grupa, na nacrtu zakona se radi, a kakav će biti ishod to ćemo vidjeti. Predviđena je agencija koja bi na državnom nivou pokušala objediniti sve aktivnsoti. Mi smo sastavni dio regije, a imamo najmanje poticaje, rekao je, pored ostalog, ministar Doko.

Petar Kunić rekao je da mu ministar nije pomogao kod njegovog pitanja. Ustavnim amandmanima bila je predložena mješovita nadležnost – dakle okvirno. Ja zato ovo ne mogu prihvatiti, rekao je Kunić.

Izet Hadžić rekao je da su podaci, koji su korišteni, uzeti iz Centralne Banke. Da li imamo samo uvoz, odnosno da li postoji potpuna kontrola deviza, zapitao je i dodao da smo svjedoci kupovine deviza na ulici. To znači sivu ekonomiju. Teba pooštriti kaznene mjere, jer to postaje problem. Drugo, koliko od uvoza primjenjujemo fakturisanje cijena i da li ih upoređujemo sa cijenama država iz kojih dolaze. Tu imamo bogaćenje i ostalo što to prati. Morali bi donijeti mjeru da se to uredi. Mislim da se mora raditi na ovim mjerama i smatram da je to neadekvatno, rekao je, pored ostalog, Izet Hadžić. Naglasio je da ima još jedan problem – firme koje rade sa Austrijom imaju probleme sa Upravom za indirektno oporezivanje. Problem je što imamo ugovoren posao sa dvije firme u BiH.

U vezi s pitanjem Hadžića ministar Doko je odgovorio da ne zna da li je bilo toga što iznosi Hadžić. Komore ne treba da iznose podatke koji nisu službeni – komora je udruženje i nema takve ovlasti. EU neće da razgovara sa nama ako nemamo potpune podatke. Imamo situaciju da pregovaramo sa državama EFTE. Mi smo otvorili tu priču i na dobrom smo putu. Mi moramo imati reference. U vezi ugovora o slobodnoj trgovini- 90% prometa imamo sa Hrvatskom i Srbijom i Crom gorom, 10% sa svim ostalim.

U vezi s pitanjem Kunića ministar Doko rekao je da je ovo u materijalu program i da se ništa ne prejudicira. Nema saglasnosti entiteta i mi ništa ne prejudiciramo.

Petar Kunić rekao je da razumije i da je upravo od Aide dobio predlog Vlade RS, te da to štao je predloženo nije uneseno. Naglasio je da se predlaže mjera, ali ne zakon. Zato je predložio da se odgodi izjašnjavanje o Analizi, a da se od Radne grupe ili Vijeća ministra zatraži da se razmotre prijedlozi Vlade RS i da se o tome izjasne, da li je zakon ili je to okvirni zakon. Takođe je predložio da se od Vlade RS zatraži izjašnjenje da li je data saglasnost za prenos nadležnosti.

Ovim je završena rasprava u vezi s Analizom.

Ad – 3:

Predsjedavajući Kunić podsjetio je da je Ustavno-pravna komisija dostavila Mišljenje kojim je utvrdila da postoji aljan ustavno-pravni osnov za predloženi zakon. Rekao je da predlagač zakona Nikola Špirić nije mogao doći na sjednicu.

Predstavnik resornog ministarstva Hajrudin Podbićanin obavijestio je Komisiju da je Ministarstvo vanjske trgovine i ekonomskih odnosa pripremlilo mišljenje o Prijedlogu zakona o izmjenama i dopunama Zakona o carinskoj tarifi i da ga je dostavilo Vijeću ministara, pa je predložio da se razmatranje predloženog zakona odgodi dok ne stigne mišljenje Vijeća ministara.

Predsjedavajući Kunić je prihvatio izneseni prijedlog i predložio Komisiji da se razmatranje Prijedloga zakona o izmjenama i dopunama Zakona o carinskoj tarifi odgodi dok Komisija ne dobije mišljenje Vijeća ministara o ovom zakonskom prijedlogu. Komisija je prijedlog prihvatila.

Ad – 4.

Pod ovom tačkom nije bilo rasprave.

Sjednica Komisije završena je u 15,30 sati.

Zapisnik sačinila
Rajka Stanišić

PREDSJEDAVAJUĆI KOMISIJE
Prof. dr Petar Kunić